

2-8525/22
13-06-2022

საქართველოს პარლამენტის ბიუროს

საქართველოს პარლამენტის წევრების: მაია მენაღარიშვილის, ქეთევან დუმბაძის, რამინა (რიმა) ბერაძის, ირაკლი მემმარიშვილის, მაია ბითაძის, ნოდარ ტურმელაძის, ირმა ზავრდაშვილის, ბექა დავითულიანის, ირაკლი ზარქუას და გივი ჭიჭინაძის მიერ საკანონმდებლო ინიციატივის წესით წარმოდგენილია საქართველოს კანონის პროექტები „საქართველოს ადმინისტრაციულ სამართალდარღვევათა კოდექსში ცვლილების შეტანის შესახებ“ და „ქალაქ თბილისის საზღვრებში და მიმდებარე ტერიტორიაზე არსებული მწვანე ნარგავებისა და სახელმწიფო ტყის ფონდის განსაკუთრებული დაცვის შესახებ“ საქართველოს კანონში ცვლილების შეტანის თაობაზე“ (N07-3/214/10; 25.05.2022)

წარმოდგენილი კანონპროექტების მიზანია ქალაქ თბილისის მუნიციპალიტეტის ადმინისტრაციულ საზღვრებში მწვანე ნარგავების დაცვა. იმის გათვალისწინებით, რომ მწვანე ნარგავების დაზიანებისა თუ თვითნებური გაჩეხვის შემთხვევები ძალიან ხშირია, საჭირო გახდა სანქციების გამკაცრება, რაც გულისხმობს ჯარიმების გაზრდას. კერძოდ, 500 ლარიანი ჯარიმა გაიზარდოს 5 000 ლარამდე, ხოლო 1 000 ლარიანი ჯარიმა - 10 000 ლარამდე. გარდა ამისა, უნდა აღინიშნოს, რომ პრაქტიკაში ხშირია ექსპერტების მიერ არასწორი დასკვნების გაცემის შემთხვევებიც. ეს უკანასკნელი კი იწვევს მუნიციპალიტეტის შესაბამისი სამსახურების შეცდომაში შეყვანას. სწორედ ამიტომ, მოცემული კანონპროექტებით, ქალაქ თბილისის მუნიციპალიტეტის ადმინისტრაციულ საზღვრებში არსებული მწვანე ნარგავების ხარისხობრივ შეფასებაზე დასკვნის გამცემი უფლებამოსილი პირის მიერ არასწორი დასკვნის გაცემა გამოიწვევს დაჯარიმებას - 10 000 ლარის ოდენობით. აქედან გამომდინარე, მიზანშეწონილია რაც შეიძლება მალე გამკაცრდეს პასუხისმგებლობა ზემოაღნიშნულ სამართალდარღვევებზე, რათა დროულად მიეცეს პრევენციული ღონისძიების სახე და მაქსიმალურად მოხდეს მწვანე ნარგავების შენარჩუნება და მათ ხარისხობრივ შეფასებაზე არასწორი დასკვნების თავიდან აცილება.

ამრიგად, გთხოვთ, საქართველოს პარლამენტის რეგლამენტის 117-ე მუხლის შესაბამისად მიიღოთ გადაწყვეტილება აღნიშნული კანონპროექტის დაჩქარებული წესით განხილვისა და მიღების თაობაზე.

პატივისცემით,


პარლამენტის წევრი
მაია ბითაძე



პარლამენტის წევრი
მაია მენაღარიშვილი



პარლამენტის წევრი
ქეთევან დუმბაძე




პარლამენტის წევრი
რამინა ბერაძე



პარლამენტის წევრი
ირაკლი მემმარიაშვილი



პარლამენტის წევრი
ნოდარ ტურძელაძე



პარლამენტის წევრი
ირმა ზავრადაშვილი



პარლამენტის წევრი
ბექა დავითულიანი



პარლამენტის წევრი
ირაკლი ზარქუა



პარლამენტის წევრი
გივი ჭიჭინაძე

